



“তুমি নির্মল কর”

রজনীকান্ত সেন

তুমি, নির্মল কর, মঙ্গল করে মলিন মর্ম মুছায়ে ।।
তব ,পূণ্য-কিরণ দিয়ে যাক্ ,মোর মোহ কালিমা ঘুচায়ে।
লক্ষ্য-শূন্য , লক্ষ্য বাসনা,ছুটিছে গভীর আঁধারে,
জানি না কখন ডুবে যাবে কোন্
অকুল গরল পাথারে।
প্রভু, বিশ্ব বিপদহস্তা, তুমি দাঁড়াও রুধিয়া পন্থা ;
তব ,শ্রীচরণ তলে নিয়ে এসো, মোর
মত্ত-বাসনা গুছায়ে,
আছো , অনল-অনিলে , চিরনভেনীলে,
ভূধরসলিলে গহনে;
আছো , বিটপীলতায় , জলদের গায়
শশীতারকায় তপনে।
আমি,নয়নে বসন-বাঁধিয়া, ব’সে আঁধারে মরিগো কাঁদিয়া;
আমি, দেখি নাই কিছু, বুঝি নাই কিছু,
দাও হে দেখায়ে বুঝায়ে।



জাতীয় সংগীত

রবীন্দ্রনাথ ঠাকুর

জনগণমন অধিনায়ক জয় হে, ভারতভাগ্যবিধাতা!
পঞ্জাব সিন্ধু গুজরাট মরাঠা দ্রাবিড় উৎকল বঙ্গ
বিন্ধ্য হিমাচল যমুনা গঙ্গা উচ্ছলজলধিতরঙ্গ
তব শুভ নামে জাগে, তব শুভ আশিষ মাগে,
গাহে তব জয় গাথা।
জনগণমঙ্গলদায়ক জয় হে, ভারতভাগ্যবিধাতা!
জয় হে, জয় হে, জয় হে, জয় জয় জয়, জয় হে।।

